

آدرهس :

IDJTIHAD

Constantinople

اوچنچی سنه

اجتهاد

آدرهس :

اجتهاد ادارهخانهسی :

شهر اماتی قارشینده دائره

مخصوصه در .

سنه ۴۰ آبونیه بدلی ۴۰ نسخه سی

۲ غروشدر

آیده ایکی دفعه نشر ایدیلیر اقتصادی ، اجتماعی ، ادبی مجموعه

شونی سویلکدن کنیدی، آلهام که سوسیالیزم او یله بزده اشاعه اولندی کبی عالمی هرج و مرج ایده جک، هیئت اجتماعیه نك نظام وانتظامی، بقا وقوامی تهلیک یه دوشو. ره جک بره یولا دکدر. نوع بشرک مساواتی بالفعل تأمین و تقریر غایه مقاصدی، نخبه آمالی اولان بومذهب اجتماعی الحق، عهد قریبده بتون عالمه حکمران اوله جق بر مذهب و مساکدر. شمیدیکی حال اجتماعی، شمیدیکی ستاتوقو آرتق طاو سامش، مخل اولش، آلا فرانغه تعصیله، «ده موده» اولش اید و کندن نظر منری استقبالده جهان حاکم اوله جق قوتلره نصب ایتلی ز. دها طوغریسه شرق و عالم اسلامده آتیده حقوق و منافعی وقایه ایچون بوقوه عظیمه ایله برلکده چالشملی، بعض خصوصاتی برلکده تسویه به همت و غیرت ایلیدر. چونکه هرا یکی ده استقبال قوتلیدر.

— صوک —

جلال نوری

کابلده منتشر «سراج الاخبار» غزته بندن :

افغانستان امیری حبیب الله خان

حضر تالری نك نطق همایونلری

ممالك محروسه شاهانه مده مقيم بالعموم شرفا و خواص و سائریه تبعه شاهانه مدن هر بر طبقه به منسوب بولان افغانیلره مخفی و مستور قالمایدركه شو جهان فانیده اصرار حیاته محكوم اولان انسانلرك منظور نظری و غایه املى جسمانی و روحانی مادی و معنوی اوله رق اساساً ایکی مهم قسمه آریلیر بر صورتده کی انسانلر بوا یکی اساسی حیز حصوله کتیره

سالف الیان درت قوتك توحید اعمال و مساعیسی، هیچ شبهه یوقدرکه، یا ککش بر یول طویش اولان اوروپایی، اوروپانك مستعمرات، امپریالیزم و مالی و اقتصادی سرگذشتلر آرقه سنده طولاشان حکومتلریخی خیلی دوشوند. بره جکدر.

تکاملنك صوك صفحه سینه کلوب بوندن صکره غروب و افولی محقق کبی کورینان شمیدیکی سیاست سرسریانه یه شمیدیکی حال اجتماعی به آنجق بوصورتله اك بیوك ضربه ایندیر یله بیلور: آنجق بوصورتله شو بحث ایتدی کمز اوروپانك تسریع افلامی ممکن اولور.

سوسیالیستلره (و خصوصیه سوسیالیست رفقآمدن پارووس و سلالینك مبعوث سابقی و لاخوف و دیقرا ن زاونه) شونی سویلر و تکرار ایدر که اسلام یالکنز بر دین و مذهبندن، بر عقیده دن عبارت دکدر. اسلامیت ملل و اقوام مختلفه نك فوقنده بر رابطه اخوتدر.

ناسیونالیزم دنیلن افراط ملیت سوسیالیزمه نه قدر مغایر ایسه اسلامیه ده اوقدر مغایر و منافیدر. بناء علیه بو وچکن عصر مسالك اجتماعیه اربابنك احداث ایتدکلری اخوت بین المللی اسلام بوندن اون درت عصر اول دوشونمش و حتی اساسکی اولمسته بیله موفق اولشد. اسلامیت دینندن زیاده بر حالت اجتماعیه در: اوچوز کسور ملیون توابع محمدی بر لر یله او یله متین و رصین روابط اجتماعیه ایله باغلیدرلر که بولری چوزمك قابل اوله ماز. سوسیالیزم نوع بشرک سعادت حالیه و مستقبله سنی تأمین ایچون اسلامه اختلافه دکل، انکله ائتلافه میدان آتلیدر.

هرنه دینورسه دینسون آفریقاده، هند انکلیزیده عبده اصنامك معتقدات سابقه لرندن واز یکوب اسلامی قبوللری ایله رتبه اجتماعیه لرینك پک زیاده یوکسلدیکی بر امر آشکاردر.

ذاتاً بوسویلدی کمز عبده اصنام اسلامك قبولنی رتبه دنیویه و مادیله رنجه ترفع تلقی ایتکده درلر. اسلاماره ده

بیلک ایچون برخیلی وظائف و تکلیفاتی قوه دن فعله
چیقارمیه مجبوردر . [احسن الخالقین] اولان اللهک
موهبة شرافته مظهر اولان انسانلر امور جسمانیه
و روحانیه یه عائد خصوصاً ده عهدلرینه ترتب ایدن وظائفی
ایفا ایتمکله همجنس لرینی برچوق احتیاجات ضروریه دن
قورتاریر . بوکی حرکت پسندیده سندن طولانی دنیاده
کامیاب و یوم الحاسبده نائل اجر و ثواب اولور .
معبود بالحق اولان الله طاعت و عبادتده بولنان مطیع
و خاص بنده لر عند باری تعالی ده درجات عالییه یه نائل
اولمقله سرفراز اولدقلری کی کندی همجنس لرینی ال
برلکیله احتیاجات دنیویه دن تخلص ایدنلر دخی بودنیاده
تین المناس سربلند و ممتاز اولورلر . نطق هما یومدن متصد
نه اولدینی ایضاح ایتمدن اول کلامی سمع قبول ایله تلقی ایدن
دماغلر کزی حسب الایجاب بر ایکی مثال ایله تنویر ایتمک
ایسته رم . شویله که :

نفوس اهلایسی اوج یوز بیکه بالغ بر بلده فرض ایدلم
یوبلدنک خارچنده آلتی یدی کیلومترولک بعد و مساقه ده

حیات یخمش بر منبع صوینی وارددر حالبوکه شهر داخلنده
بر دامله صو بولمامقده در بناء علیه اهالی شهر ، کل یوم
دستیلرینی اوموزلرینه آله رق او مبذول صو منبعه کیتمک
مجبوریتده بولنیورلر . بویله برحاله محکوم اولان شهر
اهالیسنده ایکی مهم نقصان ظاهر اولیور : بری وجودلرک
اوزوتیلی ، طاقت فرسا مشاقه معروض اولسی دیکری ،
کرائبها وقتک بوشنه ضایع اولسیدر . معلومدرکه دنیاده
وقت تقددر . دیمک که هر کون اوج یوز بیک نفوسک
۴ - ۵ ساعت بوشنه وقت کچرمله لر یوزندن دهاییرچوق
حوایج ضروریه یوز اوستی ، قالیور .. وقتی برایشه
حصر ایدنلرک باشقه ایشلری باشقه باشقه وقت وزمان
ایستر ، حالبوکه زمانی بولمق ممکن دکدر . . ایشته بو شهرک
صکنه سی دوشونه رک بوخصوصده وظیفه مدینه لرینی متفقاً
بر دفعه لک ایفا ایدیورلر : هر کون ایاغنه واردقلری صوینی

کندی ایاقلرینه قدر کترمک ایچین اتفاق ایدیور بویله لکله
برکتله عظیمه نک تعاون متقابل سایه سنده . آدم باشنه ایکشیر
روییه [ایکی یچق فراق] بر قاصه به قونولور جماعت ،
بویله لکله آلتی یوز بیک روییه مالک اولور پاره چوق
دردلره چاره اولدینی کی آلتی یدی کیلو مترولک مسافه دن
منبع صوینی ده سهولته سیلان ایتدیرر . منبع صوینی
شهره ادخال ایدیایر هر طرفدن شلاله فواره و چشمه لر
شاقیر شاقیر آغایه باشلار حتی ایرمقلریله حاصل اولور ..
اک غریبی افراد اهالی بوتشیده بیربارتقیل آلتیه کیرمزلر ..
شمدی بویله بر بلده نک اهالیسی هر کون میوه و چرزلره
صرف ایتدیکری رویه لرک سنوی یکوتندن آلتیده برینی
تصرف ایدهرک ، بوق فرض ایدهرک ، بوفضله تصرفاتی
بر آرایه کتیرمش اولسه لر کم بیلیر سنه ده دهانه قادر
احتیاجات مبرمه یی اورته دن رفع ایتمیه موفق اولورلر !
نه حاجت اوزاقلره کیتیمه لم برده بوکا بمائل حاللری
کندی عالمزده تجربه ایدلم .

ایشته سزه دیکر بر مثال :

بو ایشیق دنیایی ، دکرلری قرملری یوقدن وار
ایدن خلاق العالمین حضرتلری بالجله انسانلری برصویدن ،
بر انا بابادن دنیایه کتیرمشدر قرملرده ، یریوزنده مختلف
سیالرده بولدیغمز بو انسانلرک والدینی بر اولدینی ایچون
یکدیگرینک برادرلر بدر . فقط عینی انسانلردن حسب القدر
دین و اعتقاد و ایمان نقطه نظرندن یکدیگرینه جبل متین
ایله ربط اولنلر ایشه بو برادرلرک اک قرین اولانلر بدر
بونلر اساس اعتباریله یکوجود اولدقلر ایچون افرادندن برینه
خارجدن برخلل و برعارضه طاری اولنجه کافه اجزا و افراد ی
عینی تأثرله متحسس و متأثر اولور شو تجربه نک بر نمونه سنی
وجودلرمن اوزده نده هر کون تجربه ایتمکده یز . شمدی
حواس خمسهمزدن کوزلرمن آغرییه به باشلانجه حواس
متباقیه اربعه ده خسته لیور : ترمات بلبل قولاقلرمنه
دیکنلر کلیور . ابرشیم و پاهوق کی ظریف خفیف اطامی

یوشاق شیلرا که کبی لامسه مزی تخریش ایدیور.. طاتیلیر
آغز مزه آجی زهر کبی کلیور رواج لطیفه ازهارشامه
مزده عفونت نثار اولیور. نیچین؟ شونک ایچین که حواس
اساسیه دن بری متالم در...

شمدی. ای متدین تبعه صادقهم! ای اخلاق کزیده
احبابی معتقد افغان ملتی! شورایه قدر سرد اولنا تمهیدات
ومقدمادن مراد شاهانه جملة کزی خیر محض اولان بر
عمل صالحه دعوت ودالات ایتمکدر؛ هپکزی دنیاو آخرتده
معناً وماده سبب اجرو ثواب اولان بر امر خیره تشویق
وترغیب ایدیورم. ذاتاً پک متشکرم که جناب حقک بو
متدین صادق ملتکم ترقیاتی اغورنده یکدیگرندن اعلا
مادی ومعنوی تشبثادن غینی برشی نه دوششوندم نده
دوشونورم. هذا من فضل ربی! ای ملت! بیلمایسکز که
مذهبداشمز وهمجنسمز بولنان دولت علیه عثمانیه بوکونکی
کونده دوچار اولدینی حقمرز، مناسبسز، ناکهانی تجاوزک
فلاکت ودهشت واضطراباتی بزلری ده بغایت مضطرب
ودلخون ایدیور؛ بناء علیه قردشلمزله همدرد اولمق،
آنره معاوننده بولمق دیناً وانسانیه اوزهرمزده فرض
عین در فقط بعد ومسافه یزی یکدیگر مزدن آیردینی ایچون
یدناً عثمانیلره معاوننده بولنما یوزر نقداً اولسون اونره
یاردجی اولمق بورجهزدر، ملتداشیله همحال اولوب لدی الایجاب
اواغورده فداکارلق ایتک کی برذوق روحانی بی سزهنوز
طویمادیکز. بوندن طولاییدر که سزی شو ذوقدن لذتیاب
ایدیلمک مقصودیه هر جیتله فائده بخش اولان بر امر
خیره دلالت ورهبرک ایدهرک المده کی اغانه دفتری صحیفنی
دست هایونمله کشاد ایدیورم متیمناً عین المال ذات شاهانه مدن
یکرمی بیك کابلی روپیه مقدارنده بر مبلغی ثبت دفترایدیورم
هرکسک قدرت حالیه واستطاعت مالییه سی نسبتنده شوخیلی
ایشده بذل همت ایتملرینی افغان ملتک غیرت دینییه وحیثیت
جو نمردیلرندن امید ایدرم. شوراسنی ده سویله مه لی یم که
بوابده مجبوریت یوقدر زیرا بو ایش انسانیتیه تعلق ایدر

برایشدر، کرک عائله لرینک نفقه سندن وکرک فضله بیریکدیرمش
اولدقلری ثروت ذاتیه لرندن شو امر خیره اغانه ویروب
اسملرینی دفتره قید ایتدیرن صاحب ایمان وصاحب وجدان
اولان انسانلر برتشبنده ایکی خیرلی ایش یامش اولورلر
شویله که اولاً ویرمش اولدقلری پاره حق یولنده صرف
اولنه جفندن امر حق ییرنه کتیره رک لئانذ روحانییه نائل
اولورلر. ثانیاً بی نوعمزدن دینداشمزله همحال اولوب
آنره معاونتده بولندیمز ایچون وظیفه انسانیه بی ایفا
ایدهرک حیثیت وغیرت ملیه مزی محافظه ایتش اولورز.
ای تبعه صادقهم: اغانه قید اولنه جق ششو دفتره
(طرابلس غرب محاربه سی مجروحلرینه وشهداسی یتیملرینه
مخصوص اغانه دفتری) عنوانی ویرلمشدر. شمدی شهدا
یتیملرینک حاللرینه یانان قلبلریکزی آب شفقت واخوتله
سرینلندیرمک ایچین کیسه حیتک آغزینی آچکز. وطنلرینک
شرف وحیثیتی وقایه اوغورنده فدای نفس ایدن اومظلوم
عثمانی شهداسنک بیکس طول قادینلری ایله اوکسوزلری
ایچون اقتدارکمز مقدارنده معاونت نقدیه ده بولونکمز
عثمانی یارده لیلرینک یارده لرینه بیر مرهم اخوتله چاره ساز
اولکمز. آره چوغه باقیه رق الکمز یتیشدیک قدر نامکزی
شو اغانه دفتینه قید ایتدیرمکه غیرت ایدیکز یازی بیلنلر
کندی رضا ورغبت وجدان وایمانلری سائقه سیله ویرمش
اولدقلری اغانه تقدیه نک مقدارینی وکندی اسملرینی
مأموریتلرینی محل اقامتلرینی صراحة خط دستلریله یازسینلر
وامضا آتسینلر؛ یازی بیلمینلر دخی بالوکاله باشقه سینه یاز-
دیرسین امضا ایدهمیه نار مهرلریله تحتم ایتسینلر؛ مهری
بولنمیانلرده پارمغنی مرکبیه رک مهر ییرنه باصیورسین؛ هر
حاله کرک نفسه وکرک سزلره بتون دین قرده شلریمه
وحتی بتون ابنای بشره خیر وصلاح وایلیک تمی ایدهرم.

